

T V S C I A.

TVSCIAE (quæ olim Hetruria) termini sunt, ab Oriente, Tiberis; ab Occidente, Macra fluuij; à Meridie, Inferum mare; à Septentrione, Apenninus mons.

Terra pernobilis, pulchra lautaque est: Indigenæ ad omnia summo pacis, bellisque temporibus ingenio promptissimo: nec minus ad studia literarum, quàm negotiationes. Gentem cæremoniis & cultui diuino maximè semper addictam fuisse, ex priscis Auctoribus constat. Oram Tyrrheni maris saltus maiori ex parte occupant hoc æuo, quemadmodum & ætate Eutropij, vt ipse in Aureliani vita perhibet, maximè verò trans Arnun aliquantò, vsque vltra Plumbinum. Interior Regionis pars est ferè montosa. In ea hæ sunt Vrbes maximè præ ceteris memorabiles; Florentia, Sena, Luca, Perusia, Pisæ, Viterbum, &c. FLORENTIA sita est in vtraq; Arni fluminis ripa, quatuor pontibus iuncta; Splendore ac elegantia summa est, quamobrem vulgò Florentia Bella nominatur, vt quæ flos videatur Italiae. Nobilissimis enim ædificiis tum Diuino cultui, tum Ciuium vsui paratis, nitet. Imprimis est admirabilè Fanum D. Mariæ Floridæ, totum ex marmore crustatum, cum Hemisphærio stupendi operis; iuxta turris stat eximia tintinabulorum, tota item marmorea; modicoque post interuallo veterimum Martis templum, forma rotunda, magno ingenio constructum, & nunc D. Iohanni Baptistæ sacrum. Valuas habet ex ære, fusili opere, tam raro artificio factas, eas præsertim, quæ contra Fanum D. Mariæ Floridæ sunt, vt omnes omninò, quibus ingenij vis adsit vlla, reliqua in Europa tota similes esse nusquam arbitrentur.

Sed omnia huius Urbis ædificia tam Sacris quàm Publicis rebus destinata enumerare, hoc loco non datur. Qui cetera velit, Leandrum consulat. SENA iacet in colle, præcel-
 sis cincta crepidinibus tophinis, frequentia nobilium ædificiorum nitens; è quibus
 Ædes maxima D. Virgini Matri sacra, splendidis ac sumptuosis, quæ tota Europa
 sunt Fanis annumeranda, siue pretium marmoris, ex quo tota constat; siue excellen-
 tiam operis, ac artificij, quo facta spectes. Præterea, sunt ædes amplis. quadrato lapide
 structæ Pij. II. Pont. opus: aliaque multa pernobilia ædificia. Spatiiosi ornatique fori
 commendationem prætermittimus, cum insigni fonte Branda, semper nitentibus a-
 quis copioso. PERUSIA colli insidet Apennino, maiore agri parte fructiferis & amœ-
 nis affurgente collibus, vini nobilis, olei, ficuum, pomorum aliorumq; optimorum fru-
 ctuum fertilibus. Subter Urbem ad Assisiam, item ad Tuder versus, iuxta Tiberim
 campi sternuntur iucundi, tritico, ceteroque frumento copiosi. Natura loci Vrbs per-
 munita est, nobilibus ædificiis, tum priuatis Ciuium, tum cultui diuino dicatis nitens.
 Itemque nobili ac largo fonte, qui medium Urbis habet. Populus frequens, & animis,
 ingenisque summis: nec minus ad litteras quàm arma promptus. PISA, Vrbs olim
 felix & admodum beata, non solum ante rei Romanæ florem, sed etiam illa iam vigen-
 te; ac item postea, multis annis fuit. Docent id insignes victoriæ nauales, quas habuit;
 quibus & Insulam Sardiniam suæ ditionis fecerunt. Panormum Siciliae Saracenis e-
 ripuerunt: & ex eius belli spoliis templum maximum, quod Domum vocant, Episco-
 pi que splendida ædes edificare cœperunt. Gymnasium habet omnium disciplinarum
 An. post Christ. M. CCC. IX. institutum. VITERBUM iacet amœno spatiosoq; loco, iu-
 gis Cyminiis à tergo imminentibus, plurimis haud pœnitendis operibus nitens; inter
 quæ fons est insignis, & maxima cum admiratione spectantium copiosus. LUCA in
 planitie sita est, non procul à collibus, ædificiis perhonestis; gens lauta, prudens, inge-
 niosa; vt quæ libertatem sibi diu sapientissimè conseruauit integram; etsi finitimorum
 bellis haud rarò fuerit petita. Reliqua quære apud Leandrum. Descripserunt hanc
 Regionem olim Myrsilus Lesbios; M. Cato in originibus; & eorum Commentator
 Iohannes Annius Viterbiensis, qui etiam seorsim de antiquitatibus Hetruriæ ædidi li-
 bellum; Guilielmus Postellus; Volaterranus, &c. Iohannes Campanus pulchrè
 Thrasumenum lacum litteris mandauit.

1.
Florentia.

2.
Sena.
Leuibz Tophis structa Hæria
Ouisio.

3.
Perusia.

4.
Vrbs Pisa.

5.
Viterbum.


6.
Luca.

Dort den
Sana. f. a. i. a.



THVSCIAE
 DESCRIPTIO AVCTORE
 HIERONIMO BELLARMATO.

M. Tacitus tenuit primus, formataque ab illo
 Impati leges populi, & nomina Ponto.
 Inferni, & Superi: myfos avocque colonos,
 Imperium, Italos truns fines; foedera natis
 Dum servata meis, sed ne discordia preceps,
 Romuleae genti dominam fervere coegit:
 Quae decus antiq; longo post tempore lingue
 Auctij male grata mei, male grata laborum
 Abstulit, & manit nomen quod Tivra dederet:
 Archates aut Lydi quod vel mutare Pelagi
 Non auf, sacras quibus has concessimus oras.
 Thuscia dicit.



LOMBARDIAE PARS. seu GALLIAE CISALPINAЕ SEPTENTRIO.
 Apennini montes.
 Tiberis fl. olim Albulā.
 M. Argentario Mons Argentarius
 GORGONIA
 CAPRAIA
 CORSI CAE IN SVLAE PARS
 SIVE TYRRHENVM, VEL INFERVM
 MERIDIES.
 OCCIDENTES.
 ORIENTES.
 LATI PARS.

